

OPTIEK
Oranjestad
San Nicolas

Spritzer Fahrman

ARUBA ANSE COURANT



Diario



pa Aruba



Anja 23

DIARAZON 20 SEPTEMBER 1961

No. 4145

Apesar di deliberacionnan pa armisticio nan ta bringa cu mes violencia na Kongo

KITWE 20 SEPTEMBER, Noord Rhodesia — President Chombe di Katanga a declara na un conferencia di prensa na e oeropuerto di Kitwe den Noord Rhodesia cu te na e momento aki o muri mil hende den e bringamentunan na Katanga.

El a acusa Nacionnan Uni di agresion, y di a bisa aceras. Nan a caba cu nos hobennan, y tambe cu heridonan y esnan cu a entreganan mes cu armanan den altu. E danjo total ta te ainda 170 millon florin. Chombe a bisa cu e ta masha tristis riba morto di Hammarskjöld, pa quieh e tabatin aprecio y confianza.

Guernicion ingles na Jadotstad

E guernicion ingles na Jadotstad ta podera pa e herico di Katanga, asina un portavoz di Nacionnan Uni na Leopoldstad a informa. E comandante di e trupanan cu nan a sera for di diarason na Jadotstad a anuncia esaki pa telegram na e cuartel general di trupanan di Nacionnan Uni na Elisabethstad.

E Katangues a kibra cu e promesa pa no tira mas. Nan a sorprende e Irlandesnan cu un atake fuerte. Nan ta vigila nan severo pero nan ta duna e presunan Irlandes bon servicio. Dos di nan ta herida y dos ta sufi di un shock.

Circulonnan di N.U. na Katonga

Den circulonnan di Nacionnan Uni na Katanga nan ta considera cu no ta imposibel cu e actividadnan di e straalgernan di Katanga ta relaciona cu e desgracia di e avion di Hammarskjöld. Nan a muestra cu Hammarskjöld su avion a sali laat for di Leopoldstad; di moda cu e lo mester a pasa riba Katanga durante anochi. Un portavoz di Nacionnan Uni na New York a declara cu Hammarskjöld precisamente en bista di e actividad di e straalgernan di Katanga a duna un declaracion segun cual straalgernan di forsa aerea di Katanga no tabata den territorio di Ndola diadomingo anochi. Ta general-

mente conoci cu e aparatonan ey no tin instrumento pa bula anochi.

Na Salisbury, capital di Noord-Rhodesia, nan ta informa cu e DC-6 no a bula e ruta direcio Leopoldstad-Ndola, pero e a pasa rond pa no bula riba Katanga. Segun nan ta informa e aparato tabata den cercania di Kasama, den e provincia norte di „Noord-Rhodesia“. Ora cu e tabata acerca Ndola e torren na aeropuerto di Ndola a informa su identidat, pero e piloto a ninga di duna esaki y a pidi autorisacion pa e bula riba altura di 20000 meter. Nan a permiti esaki y e piloto a informa cu probablemente e lo tin mester di combustible. Pero e avion no a baha y a subi atrobe pa desaparece den direccion noord.

Un sobreviviente dje accidente

E unico sobreviviente di e desgracia aereo na Ndola, cu a costa bida e di secretario general di Nacionnan Uni, Dag Hammarskjöld, a declara cu tabatin diferente explosion a bordo. E sobreviviente aki, e sergent Mericano Harold Julian, ta gravemente herida y su bida ta na peliger. E ta forma parti di cuerpo internacional di polis. Julian a conta cu ora e aparato a yega Ndola, Hammarskjöld a cambia di idea. Djes despues di esey tabatin un explosion sigi di algun mas pisa. E aparato a cai. Un polis for di Nufuria, un ciudad mas o menos 50 kilometer di Ndola a declara cu el a mira rayo di luz den cielu. Te dialuna anochi nan a rescata 13 cadaver. Segun un participacion di e cuartel general di Nacionnan Uni na Leopoldstad tabatin disecuar persona a bordo di e avion cu a cai. E tripulacion tabata consisti di seis Sueco. E cadaver di Hammarskjöld no tabata bopi desfigura y nan por a reconoce facilmente. E otro cadavernan ta dificil pa reconoce. E restonan di e avion a kima por completo.

Hammarskjöld tabata biaha cu e a-

vor di e comandante di e trupanan di Nacionnan Uni na Kongo, general Sean McKeown. Mientras cu e tabata bai a bordo nan tabata prepara un otro avion pa bai Ndola. Periodistanan tabata spera Hammarskjöld na e aeroplano aki, pero Hammarskjöld a barea na un otro parti di e aeropuerto bordo di e DC-6. Director di e compania „Transair“ — e compania Sueco cu ta donoy di e aparato — Jervel a declara cu recien nan a pone un motor nobo y cu e avion tabata den perfecto condicion.

Armisticio

Awe president Tsombe a hiba deliberacionnan pa un armisticio cu Hammarskjöld Khari, e representante especial di Tunisia pa Nacionnan Uni na Kongo. Tsombe tabata na Ndola. Un portavoz di Nacionnan Uni a anuncia esaki na Leopoldstad.

Lucha violento na Kata'ga

Eherico di Katanga a anuncia awe, cu e base Kamina y e aeropuerto situa na e base cu tabata di Nacionnan Uni

awor ta den man di soldanan di Katanga. Nan a lucha tres dia pa conquista e base. E lucha tabata entre 300 solda di Nacionnan Uni y cinco mil solda y tribunan di Katanga.

E portavoz di Nacionnan Uni na Leopoldstad a declara cu nan no a ricibi ningun noticia cu e base a cai den man di soldanan Katangues. Ademas un portavoz di Nacionnan Uni a anuncia cu no tin ningun noticia tocante Irlandesnan cu ta presu na Jadotstad. Na Elisabethstad tur cos tabata tranquil durante e ultimo 24 oranan, aunque cu for di casnan den vecindario nan ta tira riba e postkantor di e ciudad. Na un barricade cu nan a pone na e caminda pa bai Rhodesia tabatin un bringamentu chiqui. Seis solda di India cu nan a perde a regresa na nan unidad. E ataque di trupanan na Katanga contra Albertstad ta sigui te ainda. Trupanan di Nacionnan Uni ta putraya door di e ciudad cu trucknan di guerra. For di fuentenan fidedigno ta informa cu lord Lansdowne, e sub-minister Ingles di exterior, a regresa Leopoldstad for di Salisbury.

Mundo henter ta na luto pa morto di Hammarskjöld

LONDEN, 20 september — Mundo ta na luto pa Hammarskjöld, hefehan di estado, diplomacior, politiconan di diferente direccion, ta reinan — tur a munda expresa nan pesame.

Na Viena e president di Banco Mundial, Eugene Black a bisa durante e conferencia di Banco y Fondo Monetario Internacional cu Hammarskjöld tabata un sorto di diplomacior nobo, un homber cu tabata necesario y cu no por a reemplasa durante di e granduranan espantoso di e politica di poder di nos tmu moderno.

Reina Juliana y prins Bernhard a manda rey di Suecia un telegram di condolencia, mescos cu e president di Alemania occidental, Heinrich Leudke. Canciller Adenauer a manda un telegram

pa president di e asamblea general mr. Boland.

Tambe di e coneho mundial di Iglesia, di president Soekarno, y e minister di Australia, Robert Menzies nan a ricibi telegramnan di condolencia. Den corantnan Ruso y Chines nan a anuncia morto di Hammarskjöld sin ningun comentario.

Despues cu el a tende di e noticia, Papa Juan 23 a expresa su sentimentu, door di su nuncio apostolico na Suecia, y New York, na Nacionnan Uni y rey di Suecia.

Demonstracion masal contra gobierno

CIUDAD TRUJILLO 20 september. Un multitud di mas o menos cien mil hende a tene un demostracion na Ciudad Trujillo contra gobierno di Republica Dominicana. E demostracion tabata organisa pa e partido di oposicion, „Union Popular Nacional“. E partido aki a haci un yamamentu pa tene un demostracion en conexion cu presencia di e sub-comision di e organisacion di estadonan mericano, cu ta investigando e situacion den e Republica.

E lidernan di e Union Popular Nacional a tene difrente discurso. E president di e partido dr. Fiallo, a exigí fin di dictadura den Republica Dominicana.

Bandera halfstok ta bula rond mundu pa Hammarskjöld

MIAMI 20 september. — Nacionnan Uni a anuncia oficialmente morto di Dag Hammarskjöld. Tantu president Kennedy di Merea como president Chombe di Katanga a duna nan condolencia di e morto tragico aki. E banderanan di e edificionan di Nacionnan Uni na Merea y na tur otro parti di mundu ta cologa halfstok.

Welga a termina na Bogota

BOGOTA 20 september. — E weekend pasa a bini fin na dos conflicto importante di trabow na Bogota. Despues cu e impreza di cauchio di e compania „Good Year“ y e trabadonan di Cali a llega na un acuerdo, tambe e welga di e personal di e compania „Avianca“ a termina. E di delaster welga aki a dura un luna.

Entrevista largu entre Raul Roa y minister Ingles di exterior

LONDEN 20 september. — E minister Cubano di exterior, Raul Roa, tabatin un entrevista largu cu e segun minister Ingles di exterior, Sir Edward Heath, kende actualmente ta reemplasa e minister Ingles di exterior, Lord Home. E ministernan a papia riba asuntunan di interes comun pa Cuba e Inglaterra.



Awe mainta Sr. Odís S. Mingus y senjora a bandona Aruba definitivamente. Sr. Mingus, quende algun senan pasa, a bandona su puesto como director di Lago Oil & Transport Co., Ltd., pa bai cu pensioen, a sali awe cu avion pa Amuy na Venezuela. Foi ei Senjor y Senjora Mingus lo barca bordo di un tanker cu lo hiba nan Europa, na unda varios tempo lo nan tuna vacation, prome di bai Texas na Estados Unidos trobe y bai goza na nan cunucu di nan penson bon mereci. E partida aqui ta ofica pa Aruba perdi di dos bon amigu riba kendenan nunca a haci un apelacion envano contal cu tabata pa sali na interesnan alubano of solamente door di nan presencia na duna mas lustro na un fiesta of un suceso.

Vaya con Dios, familia Mingus!

CLUB DI LIONS A REGALA INVALIDEWAGEN

ORANJESTAD — Club di Lions na Aruba a hadi un otro regalo cu tabata un auto bon-bial. Un muher invalida di senjor Elias Kock di Maenarima a hunja di Lions un invalidenwagen algun dia pasa.

Noticia di Polis

Tercionan alegre
ORANJESTAD — Dialuna anochi pa mas o menos diez or nan a pidi asistencia di polis pa algun tercio cu tabata haci desorde banda di un refectueria na Playa. Door di patrulla e hendenan aki kende tabatin algun trago aden, a ser corri for di e lugar. Algun di nan no kier a haci caso di polis e ora ey polis nan mester a haci uso di klop. Riba esaki pronto a bini tranquilidad atrobe.

Golpi cu taki di biljart

Dialuna atardi pa seis or di atardi polisnan di Oranjestad a ser avisa cu na Santa Cruz Bar tabatin un pelea cu herida. Berdad polisnan a hanta na e lugar menciona un caballero cu un herida na su cabes drumi ariba acerca Tabata S.R. kende segun declaracion a ser di dal door di J.J. cu un taki di biljart. Patrulla a transporta e victima pa hospital. E caso ta den investigacion.

Auto a desvia

Dialuna mainta diez or y diez e auto 4611 mancha pa A.M. kende tabata bayendo den direccion di San Nicolas riba e caminda grandi di Oranjestad pa San Nicolas, probablemente a causa di un choke di atake di e chofor, a desvia y despues di a core mas o menos 100 meter door di un cumucu a bin para den awa contra algun tubo di e planta di awa na Balashi. E chofor a ser herida na su cara y mester a worde transporta pa San Pedro Hospital. Dan-



jo material na e auto ta mas o menos f 1.200.—, danjo na e tubonan tabata mas o menos f 100.—.

F A T U M — Tel.: 1845
pa tur bo aseguracion

Mucha a salba milagrosamente

Na San Nicolas ayera tardi poco despues di tres or e auto 4042 mancha pa A.M. a dal den muraya di parcela Verrestraat nr. 9. Un baby di un anja cu tabata drumi tras die muraya na unda e auto a dal, a hanta un poco sla di un blokki di cement cu a los door di e impacto. Pero e blokki a cai riba un cruchinchi cu tabata tapa cabes die baby, di manera cu e much a sepa milagrosamente di un goi pi fatal. E baby a ser transporta pa Hospital na unda el a hanta tratamentonan necesario.

Danjo na e auto f 50.—, danjo na e muraya ta f 175.—.

Ganador di concurso di cigarra Antillana na Aruba



De quinto premio riba nr. 23056 d e concurso di cigarra Antillana a cal na Aruba. E fortunado ganador dialuna mainta trempan tabata na oficina di sr. Yendi Croes, e agente di Cigarra Antillana na Aruba, pa ricl bi su premio. Riba e portret aki nos por mira di r.p.dr. e ganador sr. Gerrit Geronimo Croes, di 18 anja, kende ta biba na Jan Fleming nr. 18, Sr. Everaldo Croes, y sr. Cleto Geronimo, e dosnan cu ta encarga den oficina, y por ultimo e dinanico agente di Aruba sr. Yendi Croes, entregando e papel di f. 50.— na e hoben ganador. Riba nos pregunta pakiko Gerrit Geronimo a cambia di otro cigarra pa Antillana, el a contesta nos pasobra e ta bon!

PELICULA PA MUCHA DURANTE SEPTEMBER

ORANJESTAD — Durante e luna aki lo ser duna tres presentacion door di e departamentu di filmacion di gobierno. „Diabierne 22 vendidero, e programa nobo lo ser presenta na Noord, den cura di St. Annaschool; diahuebs dia 28 y diabierne 29 di september den e teatro aire libre na Oranjestad. Siete pelicula senjor J. van Zijl a pone riba e programa e biaha aki.

NOMBRAMENTO HONROSO PA LEO BERLINSKI

ORANJESTAD — Senjor Leo Berlinski di Aruba recientemente a keda

nombra door di e gobernador di distrito di Lions Gregorio Gonzalez Lovera, como zone-president di Club di Lions na nos isla. Pa Lion „Leo“ e nombracion aki ta un gran honor y di tur bahda senjor Berlinski tabata ricibi felicitacionnan di miembronan di Lion ora cu e noticia aki a ser plama na Aruba.

WIM SCHOLL TATA-DI-ANJA

ORANJESTAD — Senjor Wim Scholl a keda proclama tata-di-anja, door di e damanan di Lion Club na Aruba. Tur hende tabata completamente di acuerdo cu ta senjor Scholl tabata e candidato cu tabata mas considera pa e nombracion aki.



Nos ta traha bo receta di bril cu exactitud y nos ta percura pa un montura cu ta keda bo bon.

GRAN CONCURSO ANTILLANA

109 PREMIO 109

Un prime premio — Un Radio of su valor (f250.—) na cash.
Un segundo premio — 3 caja San Pablo of su valor f150.— na cash.
Un tercer premio — 1 caja whisky Harvey of su valor (f100.—) na cash.

6 PREMIO (Tur number cu sali premia cu f500.— den loteria di gobierno) — 5 slof di Antillana cu filtro of sin filtro

100 PREMIO (Tur number cu sali premia cu f100.— den loteria di gobierno) — 1 slof di Antillana cu filtro of sin filtro

Pa cada 5 paki bashi di sigaria ANTILLANA cu filtro, of sin filtro, bo ta ricibi un boleta cu number cu ta hunga riba sorteo di 9 di november 1961 di loteria di gobierno.

Premionan por ser cobra na:

JENDY CROES
(AURORA BAR)

Departement van Onderwijs

Examen Moderne Bedrijfsadministratie, Boekhouden en Handelscorrespondentie, uitgaande van de Nederlandse Associatie voor Praktijk-examens, te houden in de maand december 1961 op Curaçao en Aruba. Kandidaten dienen zich vóór 20 oktober a.s. schriftelijk op te geven bij het Departement van Onderwijs, Curaçao, onder overlegging van een uittreksel uit het geboorten- of bevolkingsregister, vermelding van adres en gelijktijdige overmaking van het examengeld (examen Boekhouden en Handelscorrespondentie f. 12.50, examen Moderne Bedrijfsadministratie f. 15.—).

N.B. Bij afgifte voor het examen Moderne Bedrijfsadministratie dient het praktijkdiploma Boekhouden te worden overgelegd. Eenmaal betaalde examengelden worden niet teruggegeven.

Inauguración di anja legislativo nobo na Hulanda

DEN HAAG, 20 sept. — Sin Mahestad La Reina Juliana, segun tradicion, a inaugura anja legislativo nobo di "Staten Generaal" di Hulanda. Den e reunion aki, cu nan ta tene tur anja riba di tres diamars den september, nan ta entrega tambe begroting di Hulanda na Tweede Kamer di "Staten Generaal".

Pa di prime dia historia e presupuesto di Hulanda miljoenen nota ta supasa di juli 1962 y ta pidi 135 milion mas pa defensa. Lo bin un tarifa nobo pa "Be-lasting di sociedadnan anonima", un be-lasting nobo pa petrol y nan lo rebaha belasting pa mihenan cu ta traha. E deficit di e presupuesto ta 275 milion.

Pa lora ta referi na Surinam y Antillas, nan ta bisa entre otro den e "miljoenen nota": "E tendencia cu ta aumenta den e capacidad di exportacion di e plan di dies anja pa Surinam ta sigi. Pa 1962 nan a tene cuenta cu un volumen di realisacion poco mas grandi di loke probablemente nan lo alcanza na 1961."

* Pa e participacion di Hulanda den f-

nanciamiento di e plan di tres anja pa desarrollo di Bonaire e islanan arribu cu Antillas Hulandes a supila, or-ginalmente nan lo a pone placa riba pre-supuesto di 1961. Pero e gastonan pa e awa corriente lo ta 4.7 milion. Pa 1962 nan a tene cuenta cu mester duna f. 5.3 milion. (Tur e plananan mencio-na ta na florin Hulandes.)

Prisoneronan Mohameda-no a cuminsa welga di hamber

MARSEILLE 20 september. — Mas di 600 prisionero politico Maho-metano ta haciendo un welga di hamber for d' diadomingo den e prison na Marseille pa protesta contra nan trata-miento como prisioneronan ordinario.

Nerhu ta menciona sabotaje

NEW DELHI 20 september. — Premier Nehru a menciona cu sa-botaje na e avion di Hammarskjöld por ta e causa di morto di e secretario general. "Mi no sa cu morto di Ham-marskjöld por ta un causa di un des-gracia of algun forma di sabotaje. E situacion na Congo ta di tal forma cu tur cos por ta posibel", asina Nehru a bisa den un declaracion na New Delhi. Nehru a llama Hammarskjöld un bon amatenar internacional.

Conseho di Seguridad a reuni an ora y mei

NEW YORK 20 september. — Conseho di Seguridad di Nacionnan Uni durante un reunion informal a deli-bera un ora y mei riba e situacion cu a surgi despues di morto di Dag Ham-marskjöld. Despues di e reunion e pre-sident di e conseho, dr. Arnes a duna un comunicado. Morito di Hammarskjöld ta un perdida grandi pa e se-cretariado, Nacionnan Uni y tur paisnan miembro die organizacion, asina nan ta bisa entre otro den e comunicado.

E delegado di Union Sovietica, cu a expresa su sentimiento, a declara cu ta cono-ci cu Union Sovietica no tabata re-conoce Hammarskjöld como un funcio-nario di Nacionnan Uni y e no ta di-niendo cu e elegio pa su actividad po-litica cu ta para den e comunicado.

Den menos cu tres ora 15 explosion na Argel

ARGEL 20 september. — Tabatin na Argel den menos cu tres ora 15 explosion. Nan a anuncia des-pues, cu 5 hende a muri y 44 a hanja heridanan na Garryville, na sir di Oran, ora un rebeldia a tira dos handgranat den un multitud, cu tabata mira un juego di voetbal. E autor a hui.

Director general di Rijks-waterstaat, ir A. G. Maris, a instala seman pasa diara-zon e stuwecomplex na Lek. E stuwcomplex na Hage-stein ta e prome obra artis-tica, cu a bini cla den eua-dro den canalizacion di Rijn.

YABI

pa bo exito

Ta accepta YABI tambe na: Oranjestad San Nicolas BOEKHANDEL MARISKA UNION STORE

TEL. 1637 RONDWEG 49
Bloemenhuis
ROZENoord
pa
FIESTA DI JUBILEO
Laga un experto haci bo trabou

FOR SALE
1960 Plymouth
convertible
A sacrifice at f. 4500.—

Phone: office 9-2569
home 9-2928

HUIS GEZOCHT

3 of 4 kamers met ruim erf
zo mogelijk met garage.

Buurt: Ponton of dergelijke buurt.

Inf: F. SIMON - Tel. 1450

Arrestacion Gingembre

PARIS 20 september. — Nan a hiba e comerciante Frances Mayrice Gingembre, di cual nan ta supone cu e ta tesoro di e organiza-cion secreto (O.A.S.) bou di escorte di polis di Argel pa Paris.

Nan a aresta Gingembre diez dia pasa na Argel ora cu el a llega for di Paris.

Spaak a nenga di duna algun declaracion

BRUSSEL 20 september. — E minister Belgico di exterior, Spaak, a sali pa Moscon pa haci negocia-cionnan cu premier Chroesjef. E tabata acompaña pa e representante permanen-te Belgico cerca NAVO, de Stuerche. Spaak a nenga di duna un declaracion na e aeropuerto di Brusel.

Dia di Independencia di Chili

SANTIAGO DE CHILI 20 september. — President di Chili y henter gabinete Chileno a asisti na un te Deum Solem den catedral. E te Deum tabata ofree-e en coneccion cu celebracion di 151 an-versario di dia di independencia di Chi-li.

Bringamento violento na Katanga

BRUSSEL 20 september. — Tabatin bringamentunan na Albertvil-le (Noord Katanga) entre e miembronan di e gendarmeria di Katanga y trupanan di Nacionnan Uni. Asina e ministerio Belgico di exterior a anuncia.

N.V. MEUBILERINGSBEDRIJF MESKER
TA SOLICITA PA 1 DI OCTOBER
UN CHAUFFEUR-CARPINTE
EDAD TE 21 ANJA.

BON NOTICIA PA HUMADORNAN

Bo coleccion di glas na ta completo sin un buelta glas di "NEWPORT". Aun bo chens: Pa solamente 30 paki bashi di NEWPORT bo ta donja di un glas. NEWPORT ta un cigar cu filter ademas menthol. Un cigar cu ta refresca bo garganta segun ho ta humele. Tambe e ta den e pakele "crush-proof".

CAMBIA bo paknan bashi awe mes na:
CASA MATIAS

BOB STEELE INSURANCE AGENCY N.V.
Aruba's Outstanding Insurance Agency
TEL. 5012 - 5013

BO PANJANAN LO NO HANJA NINGUN DANJO den un

EASY
WASMACHINE
ARUBA TRADING CO.

Nos oferta special pa
sapatu di scol ta sigui.
Proheba awor die prijsnan drastica-mente rebaha.

● PEOPLE STORE

E store di pueblo pa e pueblo!
San Nicolas - Tel. 5294.

E MIHOR WAX
pa bo vloer di mosicon ta
WAX CARDINAL

den varios color, obtenible na
J. G. DE CASTRO
Fergusonstraat 18 - Tel. 1469

Tur dia luna

★ SOPPI DI MANDONGO

Pa cuminda criollo na prijs
sin competencia

HARMS RESTAURANT
Oranjestad - tel. 2106

Pa instalacion di electricidad
Joaquin M. Kelkboom

HENDRIKSTRAAT No. 1
TEL. 2228



ARUBA TRADING CO.

"The Pearl of the Orient"
Leo Berlinski - Juweler
Oranjestad - San Nicolas

Hilo pa borda, tur clase di kanchi,
hespi pa fura, holon, hilo pa cose,
den tur color y disenjo y di mihor
calidad.

— BISHITA —
SABANETA STORE
na Sabaneta
FAMILY STORE
na Oranjestad

CEMPRO N.V.

Wayacka - tel. 2444
PA TUR BLOKKI PREFAB
BALKI RIBA BENTANA
CEMENT DI PRIMERA CALIDAD



Pa mihor produccionan
cosmetico acudi serca
MAGGY'S BEAUTY SALON

SAPATO PA MAMA, PAPA
Y MUCHANAN
**Traha den nos mes
fabrica**

Tin den tur tamanjo, color y modelo,
Pasa lra un bista y convence bo.
Cu nos sapatonan
cada paso ta sigur!
CALZADOS ARUBA
(Emmigrant) Oranjestad.

ARUBAANSE COURANT unico diario matutino di Antillas

WAARSCHUWING

De aandacht van bereiders en importeurs van bestrijdingsmiddelen, welke voor 25 augustus j.l. in de handel waren, wordt nogmaals gevestigd op de ingevolge de landsverordening houdende voorschriften in het belang van de volksgezondheid met betrekking tot bestrijdingsmiddelen van schadelijke dieren en planten (P.B. 1961, no. 116) op hen rustende verplichting om aan de inspec-teur van de Volksgezondheid een schriftelijke kennisge-ving, vergezeld van de in artikel 2, lid 2, van genoemde landsverordening vermelde gegevens, te doen toekomen. Tegen degenen, die de betreffende verplichting niet voor 25 september a.s. zullen zijn nagekomen, zal proces-verbaal worden opgemaakt.

De Inspecteur van de Volksgezondheid A.L.
T. VAN STRIEN.

AIR 3
CONDITIONING
Keeps You COOL
AT
HOME
OFFICE
NOW it's time
to switch to
AIRCO

E MEHOR PREMIO DI 1961

Gana un Auto cu un Auto!

ABO POR GANA UN

FIAT 500

GRATIS Y COMPLETAMENTE NOBO

si den lunanan venidero bo cumpra un auto nobo of segunda mano di mas di Fis. 1000.— na

VIANA

NO LAGA E CHENS AKI PASA!!!

E campanja aki ta dura di 1 DI AGOSTO te 1 DI OCTOBER 1961


PA BON AUTO,

segunda mano of nobo

SOLAMENTE:

VIANA AUTO SUPPLY

SAN NICOLAS



Mensahé di Francia
na MercaMerca lo entrega su plan
di desarme

NEW YORK 19 september. — Segun New York Times gobiernu Francés a laga Merca sa, cu bai di e circunstancian actual e lo no participa na un conferencia cu Union Sovietica riba e problema Berlin.

E corresponsal di e corant na Washington ta scirbi cu e ta informa cu e minister di exterior di Francia, Couve de Murville, a haci e informacion aki diabierna na Kemdy durante un lunch na Casa Blanca, na cual a tuma part tambe e ministerian di exterior di Inglaterra y Alemania Occidental.

WASHINGTON 19 september. — Directamente despues di inauguracion di sesion di asamblea general, Merca lo entrega un plan di desarme riba termino largu, asina ta informa di fuente oficial na Washington.

No ta imposibel cu president Kennedy lo splicar e plan aki personalmente. Gobiernu Mericano lo keda dina resistencia contra un plan pa pone prueba nuclear huntu cu un plan pa desarme general. Washington ta di opinion cu mester atende e problema di prueba nuclear apart y mas rapido, cu esun mas complica di un desarme general.



CU VACACION NA ROMA — S.A.R. fotografia den „Via Veneto“ na Roma, huntu cu algun amigo. Algun corant italiano tabatin e baba pa publica dje permanencia di e princesa na Italia cu tabatin un romance entre esaki cu e prins romano Alessandro Borghese. Corantnan ta masha rapido cu nan suposicionnan.

PARTICIPACION

SUSCRITO, URBANO ODUBER,

biba na Siribana No. 4,

ta participa pa medio di esaki cu desde 18 September u.p. e no ta responsable pa debenan haci door di su esposa

SRA. CARMEN FELIPINA ODUBER—CROES

Oranjestad, 20 September 1961

firma pa: URBANO ODUBER

KILL FLIES... at the touch of a button



No Fuss... No Mess... Just Press
MANSUR TRADING COMPANY
Tel. 1050 - 1051

Cumpleaños

Hopi felicitacion ta bay awe pa Srta. Agradina Candida Dirks, kende ta celebrando su feliz cumpleaños. E ta ricibi felicitacion pa parti di su mama Luisa, tata Agustín, rumannan Clara Jacintho, Estebania, Juan, Francisco, Rosa, Julio, Marco, Apolonio, su sobrino y sobrinas, Teodora, Maria, Lorena, Agustín, Carmelo, Antonio, Gregorio, Bernardo Dirks, swanman Leoncio Dirks, Jacobo y Himeltheo Ras, su amiguan Susana, Maximina, Maria, Bernilia, Victoria, Juan, Leoncio, Tiburcio y demas familia Dirks, Werleman, Ras y Wouters.

Awe ta cumpli su promé anja e jovenita Ramiro Thiel. Felicitacion ta bini di su mama Rica, tata Juan Thiel, rumannan Renny Thiel, welonan Simon y Adriaan Wernet, madrina Marcelina, padrina Alfredo Thiel, tatanan Cecilia, Ninina, Bilia y Baby Thiel y Gloria, omnan Laurete, Vicente, Poli y Clemente Thiel, prima y primonan y demas familia Thiel, Geerman y Wernet.

Movimiento di rebeldia
suprimí na Irak

TEHERAN 19 september. — E embahada di Irak na Teheran a declara, cu nan a oprini e movimiento di rebeldia y cu paz a bolbe na e Koerdistan di Irak. Segun e embahada, e revolucion no ta dirigí contra e gobiernu di premier Kassem, mas puramente un asunto di tribu.

Comision pa energia
atomica na accion

WASHINGTON 19 september. — E comision pa energia atomica a declara cu Union Sovietica a laga un arma nuclear di fuerza medio explota. Esaki ta e di 12 prueba di e serie actual. Nan a haci e prueba aki cerca semipalatinsk, den central di Asia.

Prins Bernhard a haci
inspeccion na Guilford

GUILFORD 19 september. — Prins Bernhard a inspecciona 1.300 miembro di „Saint John Ambulance Brigade“ un organizacion voluntario di despesa e prins a bisti na un servicio.

Diputacion di Nieuw
Zeeland cerca N.U.

NEW YORK 19 september. — E diputacion di Nieuw-Zeeland cerca Nacionnan Uni a pidi oficialmente pa pone e kestion di e representacion di China riba agenda di reunion general. Nan a tuma e paso aki cu aprobacion di Merca.

Algu dje avion na
Chicago

CHICAGO 19 september. — E avion cu a bai na Chicago tabatin a bordo 36 persona entre cual un tripulacion di cinco miembro.

E testigo ocular a declara cu despues cu e aparato a subi for di e aeropuerto internacional O'Hare el a cuminsa bira rond y despues su ala derecho a mishu cu suela. Directamente a sigui un explosion. Polis a anuncia cu parece cu no tin sobreviviente. E aparato a sali di Illinois.

Menderes lo ser horka

ISTANBOEL 19 september. — Nan a cologa e ex premier di Turquia Adnan Menderes, Diabiernes un tribunal e special a condena pa morto y cantidad di su colaboradornan pasobra nan a viola constitucion.

E situacion di salud di Menderes, cu diabierna a haci un intento pa mata su mes, ta asina serio cu nan a suspende e ehecucion.

Segun un comunicado e comision medico a hanja cu diadomingo e ex premier tabata basta restableci, cu nan por a ehecuta e sentencia.

Agenda

ARUBAANSE COURANT
diariamente cu excepcion di
diadomingo

Edita pa:
N.V. ARUBAANSE DRUKKERIJ, B.V.
Distribuidor: EN PUBLICITEITS B.V.
Mauritiusstraat 85 - Oranjestad, Aruba, N.A.

Suscripcion 7.25 pags adolante
edicion suelo 20 ct.

Telefon: 2110 Redaccion y suscripcion
1116 Directiva y anuncio
Directeur-hoofredacteur: D. Wolff

Imprenta na: N.V. Drukkerij „De Rode Ster“
Fotocolor suelo disponible na 20 cent na
Oranjestad, San Nicolas, Bonaire, Curacao,
Aruba, Guayana y Cabañas Shop
Aruba Caribbean Hotel.

CINE

Diadomingo 20 di September
DE VEEB: 2.00p. „Cash Me Call“ 14
RIALTO: 2.00p. „The buckskin lady“ 13
PRINCIPAL: 2.00p. „High high“ A.L.
AURORA: 7.30p. „Teenage girl“ 13
SAVANNA: 7.30p. „The split“ 13

PARTERA

Zr. Th. E. Gibbs, Wilhelminastraat 20
Oranjestad, tel. 1335.

WIT GELE KRUIS

Oranjestad: Zr. Ewald
San Nicolas: Zr. Perpetua
San Cruz: Zr. Ludovic
Hospital San Pedro di Verona tel. 200
Zr. M.E. van der Mark Roadweg 4, Oranjestad, tel. 1337.

BOTICANAN DI WARDIA

Oranjestad: BOTICA ODUBER Tel. 1700
San Nicolas: BOTICA SAN LUCAS tel. 5119

POSTSLUITINGEN

Woensdag

Anguilla 13.30; Antigua 13.30; Bonate 9.00; Canada 9.00; Cuba 9.00; Curacao 9.00; Europa 9.00; Guadalupe 13.30; Haiti 13.30; Jamaica 9.00; Martinique 13.30; Mexico 9.00; Montserrat 13.30; Miami Fla. 9.00; New York 9.00; Puerto Rico 13.30; Rep. Dominicana 13.30; Caracas 13.30; Virgin Islands 13.30.

RADIO KELKBOOM

Diadomingo 20 di September

8.00 Opening
8.02 Selection Musical cu disco Latino
8.30 Cumpleaños Feliz
9.00 Variacion Musical cu discos Europeo
9.15 Norte-Americano y Latino
9.30 Musica Instrumental
10.00 Ritmo Latino
10.30 Noticia di N. Habibe Jr. Supermarket
11.00 Musica Norte Americana
11.15 Musica Antillana
11.30 Musica varia
12.00 Lunchmuziek
12.05 TexasFurniture store ta presenta
Noticias Local y Internacional
12.20 Mercurius Trading biadi U
12.45 intermedio musical
12.45 „Nieuws in het Nederlands“
12.45 Viana Auto Supply brings you
1.00 Musica varia
1.30 Nel ora cu Boireos
2.00 Variacion Musical
2.20 Musica Instrumental
3.00 Cha cha cha
3.15 Merengues
3.30 Ban spaar placa comprando na
04.30 WIMCO ta presenta
„Noticia na papimento“
4.45 Cocktail musical
5.00 Danzones Cubanos
05.15 Musica varia
La Esperanza
4.00 Musica melitana
05.30 Musica Popular
6.00 Noticias Deportivo
(Internacional y Deportivo)
6.15 Carpas
6.30 Regener Voorlichtings Dienst
6.45 Saludos di Rutland
7.00 Aruba Trading Co. ta presenta
„Noticia Schiltz (Pap.)“
7.15 Musica Varia
7.30 Musica Holandes
7.45 Aruba Borchhand biadi U
„Nieuws in het Nederlands“
8.00 Musica Norte Americana
8.15 Coigate-Palmolive ta presenta su
toysa „Extra“
08.30 Quiz programa di Lechi Gloria
08.45 Luis Sami y su Conjunto
9.00 Peliculas
9.30 Musica varia
10.00 Sluiting

RADIO VICTORIA

Diadomingo 20 di September

11.00 Apertura
11.15 E Mundo Feminino
11.30 Melodias di Merdia
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 Nieuws in het Nederlands
2.30 The Quiet Hour
2.45 Ensenos Musical
2.45 Con Musica
3.00 Decision
4.00 Musica di Banda
4.15 Econin Celestial
4.30 Verle Oude
4.45 Waltznan Favorito
5.00 Voz del Evangelio
5.15 Palabras di Bida
5.30 Intermedio Musical
6.00 Ultimas Noticias
6.15 Suenos Deportivos
6.30 Noticias Holandes
6.40 Musica Clasica
7.15 The Bandstand
7.30 World and the Word
7.45 Miracles
8.00 World News
8.10 Off the Record
8.30 Back to the Bible
9.00 Musical Gems
10.00 World News
10.15 Hymns that Live
10.30 Sign Off

VOZ DI ARUBA

Diadomingo 20 di September
08.00 Apertura
08.05 Nis oracion di mañia
„The Lord's prayer“
08.04 Thoughts of the day
08.05 Melodias Maritimes
08.14 Thoughts of the day
08.15 Viana Auto Supply Co. brings you
„News in English“
08.20 Thoughts of the day
08.20 Viana Auto Supply Co. brings you
„News in English“
08.25 Melodias Maritimes
08.45 Ecos Internacionales
09.00 American melodies
10.00 Coigate-Palmolive, presenta su ovela
„La hija del dolor“
10.30 Programa „Seguridad“
11.30 American Melodies
12.00 Musik uit Nederland
12.15 Mercurius Trading Co. biadi U „Nieuws in het Nederlands“ o.l.v. Jos v.d. School
12.30 Selection musical di Merdia
13.00 Viana Auto Supply Co. ta ofrece
„Mundo en marcha“
13.15 Constan y Ariston Antillan
13.40 Procter & Gamble presenta su
novela „LA GATA“
14.00 Revista Musical
15.00 Completando peliculas di nos ovela
tenan na exterior
15.30 Selection di Musica Popular
16.30 Instrumental melodies
17.00 Felicitando nos oyenman
17.30 Musica varia
18.00 Melodias Maritimes
18.15 Petrona & Croes ta presenta
„El Observador“
18.30 Ora di Lago
18.30 Thoughts of the day
19.00 Viana Auto Supply Co. brings you
„News in English“ C.P.J. Celaire
19.15 Instrumental melodies
19.30 La Esperanza Supermarket ta present
„Esperanza“ o.l.v. A. Croes
20.00 Viana Auto Supply ta ofrece „Mund
en Marcha“
20.15 Aruba Trading Co. ta presenta
Cubaplacitas Deportiva Schiltz buo di
recebin di Tien Kuiperi
20.30 Coigate-Palmolive presenta su novela
„El Valle de los Lirios“
21.00 Musica Varia
21.30 West Indian program by the British
W.I. Association in Aruba
22.00 Cierre

Sukarno a bandona
New York

NEW YORK 19 september. — President Soekarno a sali for di New York pa bai Tokio acompaña di dos di su juman y 39 sequito, y el a yega Tokio. El a haci un bishita particular di tres dia na e capital Japonés.

Suplica di gobiernu di
Oost Alemania

BERLIN OOST 19 september. — E gobiernu di Alemania Oost a pidi e comandante Frances di Berlin West pa pone e pionan di e dos jeinan di Alemania West, cu diabierna pasa a teriza riba e aeropuerto di Berlin West Tegel, na su disposicion. Esaki pa haci e investigacionnan necesario riba e incidente. E gobiernu di Alemania West, cu e incidente tabata un equivocacion deplorable.

E orcan riba Irlanda

LONDEN 19 september. — Durante un orcan cu a pasa riba Irlanda, diesun persona a muri. Asina nan ta anuncia na e pais aki.

NOTICE

This will serve to inform the general public that, since June 9th, 1956 I have ceased to be known by my married name of Priscilla NICHOLAS and have resumed my maiden name of Priscilla HOGAN by which I have since been known and by which I continue to be known and to use, for all purposes whatsoever.

signed: PRISCILLA HOGAN



Importador:

E. & G. MARTIJN
Tel. 1492 - 1493
(ARUBA) LTD.

E ULTIMO TENTACION

Pa: JOSEPH VIERTEL

Traduccion: E. S.

— No. 15 —

„Awor bo mester conta mi tur cos tocante ho mes, Vic.“ Debbie a bisa awor cu el a hanja brio door di e champagne cu pa di prome biaha den su bida el a pidi i a bebe. „També tocante ho trabado. Mi kier meen, e mester ta hopi interesante. Naturalmente mi no kier intermite mi den ho asuntoan personal. Esé no ta mi intencion. Pero hopi hialha mi ten pensa riba tur e electricidad cu tin na Prang, i es ora ei mi ta puntra mi mes kico bo ta haci cu ne.“

Vic tabata tactico. El a sonrei, i a bisa cu lo tabata probablemente difícil pa di comprende, i cu e conversacion lo

tabata tambe tecnico i secu i cu lo e fastidio solamente. „Oh, mi ta masha bon den algebra i e sorto di cosnan ei,“ el a ganja. „Purba nima.“

Vic a haci mesos cu ta cu un mucha clíkita y ta pupia, pero Debbie a reaccion for di principio te na fin en gran atencion. I endo biaha en Vic puntra dudoso: „Bo si sigur cu bo ta comprende „loke mi kier meen?“ o ta saendi su cabez en prudencia i ta soprei mas cu nunca i ta bisa: „Mi ta hanja simplemente fascinante, ho sa, i e ta parce mi dushi.“

Loke el a comprende, tabata cu Vic tabatin supervision di un kabel pa cas-

nan-nobo i fabricanan, i cu e tabatin algun trahadornan bao di su mando, pero ora cu el a cuminsa ta pupia di diferente otro cosnan manera transformador, hoogspanning etc. tur cos a bruba den otro, di manera cu el a keda solamente cu e impresion di su primo, cu no tabata solamente guapo, un gran atleta, i un maestro agradabel, cu tabata caridoso i atento, pero cu tabata ademá terriblemente inteligente i sabi i celebrá na un monnen soega, cu e tabata potur e personanan intelectual cu ta bini cerca papa i mama na bergenzu.

E tabata stime hopi. I na es momento el a comprende, pakico e mucha hombernan di su edad tabata asina laf i necio. „Despues cu nan a cena nan a bai na e operette. E musica tabata agradabel i alegre i esaki a pone den un humor alegre, net un esfera di fiesta. Despues cu e operette a terminá Vic a puntra Wilhelmina: „Bo si bini na Prater, un parque por di a huntu cu e tabata furioso, cu Vic a bai cu ne na e lugar, en vez di un nightclub manera Kathleenberg of maske ta na Stadt Park, na tinda indubablemente lo el a bai en un mucha muller grandi. Debbie a laci manera e tabata hanja masha leuk, cu pronto el a cuminsa tin sinti leuk berdaderamente. Vic tabata goza di tur cos. Nan a pasa door di un tunnel grandi; cial nan tabata yama „Blaha“ cu e „Dial-

bel“. Debbie a grita i hari pa e figura nan cu tabata parece den seguridad i e luznan diripiente. Nan a bai na un tent caminda nan a gana algun prijs — un conechi jian di hunga cu ne, un popchi di piedra i un canica di koffie.

Nan a largu nan sacu nan portret den un baleon di un tren di carton, cu tabata carga e nomber di „Tren di matrimonio“. Debbie a tene tur e premionnan den su braza i riba indicacion di e fotografo Vic a pasa cu braza rond di su schouderman i nan a mira otro den wowo. Debbie a mira cu brui i serio su wowonan tabata, aunque cu el a sonrei alegremente.

Mientras e foto tabata worde termina, nan a hael un bisho cont cu den Reinrad i te ariba den laira riba e luznan di e parque caminda pa un momento nan tabata soñ. Debbie tabata imagine cu no tabatin nada imposibel riba mundo. E tabata goza di e braza rond di e, i satisfeco el a pone su cabez riba su schouder pa e mire. E tabata hanja masha guapo. Sonriendo Vic a bira cara mire, manera un tio ta mira su sobrina di seis aña satisfeco, i diripiente el a recorda cu Vic a sonrei dia cu e tabatin ocho aña i cu pa di prome biaha el a bai landa. Con e por bolbe trece na su sintir cu el a hira grandi awor, cu e tabata eni un muller, aunque e apenas el a haci dieciseño aña?

Prome cu nan a bai for di Prater, Vic

a corda riba e portret. Nan a sali bon ariba. Mientras Vic tabata mira e portret, el a sera su wowonan te na nitad, i un cos di sorpresa a pasa riba su cara. „Tren di matrimonio!“ el a tari. „Mi Dos, bo ta mustra grandi pa ta mi casa. Mira bo mes!“

Debbie a mira su mes riba e portret. Su hinchinan huntu cu a strobe henter amochi, a pone parece mas grandi. „I nos ta parce mesos cu berdaderamente nos ta stinn otro hopi.“ el a bisa alegremente. „Mi ta kere, cu nos lo bira masha feliz huntu.“

„Si mi tambe ta kere asina.“ Vic a bisa, i el a hinea e portret den su sacu. „Bam mira, padvinstertje, a bira laaf, i nos mester haci liber pa nos yega e mayan mañina tempran mi mester: bai cu mi tata.“ El a cuntra un corant i nan a bai busca Willie i e auto.

Ora cu nan a yega casa, i cu Willie a habri porta pa nan, Debbie a hanja e sentimentu cu e anochi di mas agradable di su bida a pasa. Su mama i tata i dr. Narmorek tabata drumi caba. Pe prone cu nan bai drumi Vie a pone pa nan bai saca koeke i thee for di den enshina, mesos cu nan sa haci na Lindenhaus, di cu Karl tabata na cas andu i cu Debbie tabata nini chikitu.

Ora cu nan tabata den cushina Vie a puntra pa Karl, i Debbie a corda cu era nan dos tabata, i cu un tiki berguez el a pensa, cu ningun di nan dos ni

pa un sola bez a menciona su nomber. El a trata di ser entusiasma tocante su cartunan for di Palestina. „Lo mi tin masha gana di bai bisluite,“ el a bisa. „Cu tempo.....“

„Ay, mi no sa.“ Vic a bisa. „Manera mi ta tende Jerusalem ta un ciudad sobrio.“

„Bam mira, jin, awor nos mester busca manera di bai drumi. Mi a larga bo keda lama mucho caba, i pa mi mes ta laaf. Mayan, naturalmente bo mester bai school. Bam mira, ariba!“


E cuartu di huesped tabata abao i pesel e no a bai cine mas leuw cu e cabamenu di e trapu. „Mi ta sali tempran for di aki, pesel probablemente lo mi no mira bo mas. Bosonan mester bini cerca nos na Prang i mas pronto posibel.“

„Cu uncho gusto.“ Debbie a comesta. Vacilante el a keda para, cu e conechi, e popchi di piedra i un blaas den su man.

Vic a sunchie riba su boca, mesos cu el a haci semper for di dia cu Debbie tabatin ocho aña. Esai tabata teribel, ho no por a pone ningun nificacion na dje. El a sinti su riananan bira slap i kizas el a sunchie mas fuerte back di loke e mester a haci, pero Vic a ripara esaki, en todo caso e no a bisa nada.

CISCO KID

1. „Bo ta eia Panchito, lo carraje ta ei nan.“ 2. „Pakiko tur e armanan ei bosonan lo no ta cuidando un cofre di oro.“ 3. „Den tur manera nos ta proteha un tesoro.“ 4. „Clara, nos no por laga ningun hende liorta e novio.“



JUAN EL INTREPIDO

1. „Y awor?... bon ta eia di baha uno cu dos otro ta bin ocupa su lugar.“ 2. „Haci algo Hazard, e cos aki ta grave.“ 3. „Mi ta haya un idea, doctora, hacimi un fabor di extende e slangnan.“ 4. „Nago saca e slang over di bo bentana mesos cu mi... y abo doctora ocupabo pa habri e valvulan.“



DICK TRACY

1. Cu un trupa di auto su tras y tambe un auto fin, Trusty Hubhub ta sodando. 2. Di repente el a pasa bai pa e otro camina. 3. „E tabata mucho lihe pa mi, kiko pa haci awor?“ 4. Y asina... den e direccion contrario, te ki ora e si-burguenza aki por sigui cu e cos aki?



RIP KIRBY

1. E bishita a cuminsa formal... „Masha danki cu b'a permitini bishitabo, Srta. Butler.“ 2. „Pasa numa Sr. Kirby.“ 3. „Pero un bez ta bini alegria...“ 4. „Ei tin patilla bunita.“ 5. „E ta mustrando e e album di e familia, e cos aki ta serio.“



EL PRECIO DEL TRIUNFO

1. „Den e oficina di empresa Boswor...“ 2. „Lato bo kier haci un oficinista un labor?“ 3. „Ta depende ta kende ta e oficinista, Peg.“ 4. „Ami mes sokete, lo bo kier pasa un dia den campo mientras cu ami ta bay mira antiguedades?“ 5. „Bo no kier mi compania...“ 6. „Bo kier transporte, okay mi ta lagabo ganjami.“ 7. „Pero antiguedades, Peg, bon sa cu hopi di eeynan ta fraude?“ 8. „No preocupabo, mi no ta bay hincami den nada costoso.“ 9. Y na e otro banda di e ciudad... „Ta increíble, corda cu e Srta. Terel mester sa.“



EL DIARIO DE UNA VIDA

1. „E monstruo ei lo mata Vassily.“ 2. „Clang.“ 3. „Pakiko boso no ta pone un fin na e pelea?“ 4. „No pura boso, un dijes mi ta supera su sistema.“ 5. „Asina, wel haciele liber pasobra despues lo ta laat.“



PEPITA

1. „Kika bo ta haciendo Lorenzo?“ 2. „Mi pone e wekker pa dies dosor.“ 3. „Pakiko?“ 4. „Pa mi haya tanta y no lubida mi sandwich di mei anochi.“ 5. „Lo mi no kier keda akinan pasa hamber.“



UN ENTREVOUS AFRICANO — Aki nos por forma nos mes un idea dje topconferentie na Belgrado. Ta quico dr. Kwame Nkrumah, president di Ghana (izquierda) lo a bisa Negus di Etopio, cu por a marca un sonrisa riba e cara cu generalmente sa ta masha serio?

E revolucion a fracasa fatal

MEXICO 19 september. — Ministerio Mexicano di interior a anuncia cu 28 persona a muri y 25 a resulta herida como consecuencia di un intento pa organisa un revolucion, cu nan a planea. Segun e ministerio e irregularidadnan aki ta forma parti di un complot, organisa pa general Celestino Gascu, cu e intension pa causa irregularidadnan durante celebracion di fiesta nacional di Mexico. Habierne.

E ministerio a anuncia mas aleu cu orden ta restablece den henter e pais. En total nan a haci mas o menos 100 arestacion. Nan a descubri e complot dia 19 di september, riba cual dia nan a aresta general Gascu, lider di e partido nacional y Jorge Siegrist huntu cu algun cien cumpliecer.

Na Irak nan no a logra dereca e revolucion

DAMAS 19 september. — Segun e agencia di prensa di mediano Oriente, e autoridatnan di Irak no a logra di derota e revolucion di algun tribu Arabe y e movimientu ta expande su mes.

Segun e corant di gobierno „Al Goemhoeria“, e conflicto ta parce di ta di caracter local. E corant ta di opinion cu e irregularidad ta causa pa e presion cu „Iraq Petroleum Company“ a haci riba gobierno di Irak. Ya tin un deliberacion entre e compania aki y gobierno di Irak, cu ta durando tres aya.

Un aterizaje forzoso na Idlewild

NEW YORK 19 september. — Un aparato DC-8 di Pan American mester a haci un aterizaje forzoso na e aeropuerto Neoyorquino „Idlewild“.

Su wielnan no kier a sali bon, e aparato a sufrir danyo. Pero e pasaheronan a sali ileso. E aparato, cu tabatin 124 pasahero a bordo, tabata na caminda pa Bermuda, pero a regresa New York ora cu e aviadador a ripara cu presion den e instalacion hidraulico tabata baha.

Prueba nuclear na Nevada

WASHINGTON 19 september. — Mera a haci un prueba nuclear na Nevada. E prueba tabata bou di terra y di poco forsa. Union Sovietica a haci un prueba nuclear den territorio di polo norte. E prueba Sovietico tabata den atmosfera y tabat abopi grandi. Asina e comision Mexicano pa energia atomica a participa.

Base hustifica pa negocia cu Rusia

WASHINGTON 19 september. — E ministernan di exterior di Merca, Francia, Alemania y Inglaterra ta di opinion cu mester hac un intento pa investiga si tin un base hustifica pa negociacionnan cu Union Sovietica riba Berlin y Alemania.

Esaki ta para den un comunicado cu e ministernan a publica despues di nan conferencia di tres dia. Segun nan opinion por logra un solucion pacifico, si ambos banda ta dispuesto na combersa teniendo cuenta cu derecho y interesnan di tur esnan interesa.

E investigacion na e base hustifica pa negocia pronto lo tuma lugar, awor cu e minister ruso di exterior a yega New York. Gromyko ta actua como lider di e delegacion ruso.

Transmision di Radio Havana

KEY WEST 19 september. — Segun un transmision di radio Havana cu nan a ricibi na Key West nan a echuta seis persona na Havana.

Nan a tira dos Cubano mata pasobra nan a tuma parti na un complot contra Raul Castro. 84 persona a hanja castigo di prison. Dos di e personanan cu nan a echuta a trata di bai cu un avion Cubano y e dos otro nan tabata pa nan participacion den actividadnan contra revolucionario.

Un wagen a los foi un trein na Madrid

MADRID 19 september. — Dos wagen cu a los for di un trein di mercancías banda di Villafraña de los Barros, a dal den un trein di pasahero. Segun e prome noticianan 15 persona a muri y 21 ta herida. Algun di e heridonan ta grave.

Eleccionnan na Bonn

BONN 19 september. — A cuminsa na Alemania Occidental e eleccionnan pa asamblea general nobo. E prome votadornan di e 37.100.000 cu tin na total a bai urna den solo brillante. E resultado final oficial lo no ta conoci prome cu 1 oktober, pasobra door cu un candidato a muri nan no ta vota dea un distrito electoral.

Orcan Nancy a causa desastre

TOKIO 19 september. — E orkaan Nancy a alcansa e laman di Ochotsk, parti este di Siberia. Na Japon tin 143 morto y 2268 herido. Tin 115.956 persona sin cas pasobra 6221 cas a keda destrui. Trinta bapor a hundi y 38 a pega.



ENTERMENTU MASAL — Cu motibu dje epidemia di cholera cu ya a cobra 20 victima na Hongkong, servicio medico dje ciudad a cuminsa cu un entermentu masal. Tur e 3.125.000 alma cu ta biba ei lo hanja un injeccion. Riba e portret aki nos ta mira centenares di habitantenan dilanti aje centro medico dje ciudad, cada un wardando riba nan beurt pa ser vacuna.



HOROSCOOP di awe

ARIES 21 Maart — 18 April

TAURUS 20 April — 20 Mei

GEMINI 21 Mei — 21 Juni

CANCER 22 Juni — 22 Juli

LEO 23 Juli — 23 Augustus

VIRGO 24 Augustus — 23 September

LIBRA 24 September — 23 October

SCORPIO 24 October — 22 November

SAGITARIUS 23 November — 21 December

CAPRICORNUS 22 December — 20 Januari

ACUARIUS 20 Januari — 18 Februari

PISCES 19 Februari — 20 Maart